



Ny siger og nytt påskeegg til Nesjarane, ved Mona Enes, Berit Lappegård, Dag Hermansen, Jørgen Andreas Jørgensen og Oddlaug Yri Jørgensen.

**Kva kostar ei potte med lyng hos Gros Blomster?
Kva kallast statuene på Påskeøya?
Så stor spennvidde hadde spørsmåla då Aktivitetshusets Damevenner
hadde påskequiz på Helgheim i kveld.
Det var som det tilsvarande i fjor eit svært vellukka arrangement..
Til og med resultatlista vart ei reprise: Ikkje uventa gjekk Nesjarane
til topps også denne gongen etter ein solid
innsjurt som ga ein margin på 5 poeng.**



[Randi Nybakk dansa med påskekyllingen](#)

Laget, som er ein vellukka mix av ferierande og fastbuande, sakna skarpskodde Gjert Hermansen denne gongen, men dei 5 andre klarte joibben likevel.

Blant dei laga det også var grunn til å ha forventningar til var Humlepungane, men dei svikta mot slutten. På den andre sida innfride ein annan gamal kjenning, vi siktar til Pondus. Eit lag som kalla seg På rette sida av brua hadde sterk bemanning frå ytre luten og gjekk inn på bronseplass.

Arrangørane skal også denne gongen ha ros for god planleggjing og

prikkfri gjennomføring. Dei kunne ha skilt klinten betre frå kveiten ved å skru opp vanskegraden noko, men det ville ha gjort oppgjeret mindre spennande. Spørsmåla var svært allsidige og det var også artige visuelle innslag.

Som eit ekstra pluss i avviklinga kom det også frå tid til annan svinsande inn ein tydelegvis velfødd og muskuløs påskekylling som til og med dansa med fleire damevenner. Han vart og utnytta til nokre ekstra-spørsmål. Kreativiteten er stor hos damevennene.

Serveringsopplegget var også så bra som ein kunne krevja. Oppslutnaden er det einaste som ein må føra opp som eit lite minus. Det stilte 12 lag mot 17 i fjor og nedgangen kom nok på grunn av mange konkurrerande arrangement både i bygda og nabobygdene.

Men Helgheim-quizen ga nok ein gong meirsmak og dei som ikkje nådde opp denne gongen kan prøva seg hos Systrene Nilsen til veka!

Her er resultatlista:

1. Nesjarane 79
2. Ponus 74
3. På rette sida av brua 73
4. Bringebust 70
5. Geir og damene 64
6. The Plumbers 61
7. Påske 60
8. Kjellsons 56
9. Humlepungane 55
10. Leif og kompisane 52
11. Løkalarsane 45
12. Zenit 44

Tekst og foto: Ola Matti Mathisen



Leiinga gjorde ein framifrå jobb, speaker Albert Nybakk sit lengst til høgre